

攻媿先生文集

九



攻媿先生文集卷第十四

四明樓

鑰大防

表牋 別藁

代宰臣謝宣示 太上皇帝御書表

宋玉高唐賦 傅毅舞賦

陸機文賦 嵇康琴賦

曹植洛神賦 王粲登樓賦

史節故事段 陳羽古意詩

蘇軾養生論 周興嗣千文

御跋

乾道辛卯春被 賜真行草書總十卷臣下

拜瞻玩心目開明竊惟書法自東漢迄于晉

唐代有名家然莫不祖述鍾張憲章羲獻而

各得一偏未有超軼拔乎其萃者恭惟 光

堯壽聖憲天體道太上皇帝高蹈羲皇之上

遊戲翰墨之間初若無意而筆力所到自得

之妙集乎大成如春雲行空千狀萬態遠視

前古有不足進固知天縱之能心與神會非

衆庶曲學之所可及也帝王餘事猶能至此

顧不休哉三月二日臣某恭題

文魁全集卷第十四 受月一 合共

奎畫昭回來從慈極睿恩優渥宣示邇聯是何  
不世之逢獲快爭先之覩中謝竊以翰墨有法  
肇自東都帝王好書無如正觀雖具龍蟠鳳翥  
之體徒爲心慕手追之勤若夫天縱之能拔乎  
其萃自得之妙集此大成聿觀歷代以還未有  
今日之懿恭惟 尊號太上皇帝陛下宸衷淵  
靜帝學融明一札細書居多方國之賜六經大  
訓式畀膠庠之傳旣全脫屣之高益有怡神之  
樂坐進此道作新斯文取楚客之賦篇迨梁臣  
之韻語舒牋自適肆筆而成乃因五日之朝併  
演十編之富恭惟 皇帝陛下茂隆孝治仰識  
聖心金口發明究羣書之蘊奧雲章交煥掩二  
典之光華是雖餘事之能然誠非曲學之所及  
中祕將嚴於尊閣外廷咸與於榮觀臣夙際休  
期幸瞻鴻藻登床競取何敢效昔人之豪鏤玉  
匪頒尚幾爲私室之寶

代宰臣進吏部七司法表

朝建天官實總吏銓之要詔刊治典恭承聖作  
之規會衆目以畢張集前編之未備幸終載筆  
敢後奏篇中謝臣竊以皇家題累洽之期選部

有一成之法屬中興之始爰盡纂於舊章迨更  
化以來嘗再參於中制惟竒請它比隨日以滋  
而巧史猾徒緣姦而奮迺哀四紀之公革修爲  
一代之經常然而漢定章程止由柱史唐更律  
令亦任柄臣未有上軫淵衷俯垂明聽凡曰甲  
令之著首塵乙夜之觀親灑宸毫具標汗簡必  
使繹尋而盡善更容開釋其所然旣咨可錄之  
言時出非常之斷合吏封勲考之目貫勅令格  
式之文以至黜賊罪之賞延進軍功於流內恩  
防寬縱例絕扳援莫非近古而便今務在舉宏  
而撮要筆則筆削則削罔有差訛官言官朝言  
朝此爲依據恭惟 皇帝陛下治先自內名不  
假人澄三省之源已嚴道揆定七司之制更肅  
班僚立通用以去煩文申權宜以存故典警捕  
有酬獎之等陞改易參照之科使官人之方得  
以兼明於覈實之政誠非小補臣等粗殫末技  
莫望清光事倣石渠稱制仰勤於臨決才非山  
甫有司終媿於將明尚冀頒行庶憑遵用

代宰臣進 仁宗皇帝 今上皇帝

玉牒表

神文出治光紹 三朝 睿主題期系隆 列

聖鬯皇猷而潤色寫翠琰以齊輝

中謝恭惟

皇帝陛下政用時中言爲世則繼志述事親承  
太上之心傳遵制揚功盡循 我宋之家法眷

仁皇之盛際迺今日之宏規惟天聖之元實基  
四十二年之治惟乾道之懿將繼五三六經之  
隆爰命儒臣並修史牒登載斯謹會粹不遺稽  
故事以成編肅昕朝而進御忠厚之及草木知  
積累之自來廣大之配乾坤豈繪畫之能見牙  
籤初秩金匱祕藏臣獲遇休明居慙典領祖功

三四二

文苑二集卷第一四

三別一

四

余玉

如在期載績於無疆帝業方崇當特書而不一

代 皇子鄧王辭免冊立 皇太子

表 以下五首

丹悃冒陳祈免升儲之命皇恩加厚未頒賜允  
之書仰叩九重敢伸再瀆 中謝 臣聞元良以正  
萬國記言卅子之能繼明而照四方易謹大人  
之象以奉粢盛之祀以繫億兆之心苟素望之  
無聞豈盛儀之敢受伏念臣性難語上學不知  
方仰承君父之規又親師傅之誨奉長安日邊  
之對蚤乏竒辭辨陳留牘上之書素無英識戴

乾坤之大造升爵位之崇班安知懷德之維城  
但媿無功而受祿綸言忽播綺殿爰開實懷不  
稱之慙難冒非常之寵伏望 皇帝陛下特回  
聖意俯聽忱辭不嫌渙汗之收姑寢震宮之建  
誓虔子職少荅睿慈

### 代謝冊立表

睿旨中頒誕開宮邸微躬內媿亟上封章恩深  
弗遂於循墻懼甚有同於臨谷 中謝臣聞仰觀  
乾象前星密邇於帝星俯察坤維少海實源於  
大海歷稽盛古必建元良自非有賢聖仁孝之

聞備恭敬溫文之懿何以貳體宸極正位少陽  
伏念臣學識無長器資非敏實託本支之盛屢  
叨爵位之崇日就月將幼已慚於慈訓夏絃春  
誦今未底於多聞自愧孱庸居懷兢懼忽拜玉  
音之寵冒升銅輦之榮入侍皇居仰承天序茲  
蓋伏遇 皇帝陛下仁周溥率明照幾微膺

列聖之不圖奉 上皇之色養眷求主鬯以重  
承祧儲德未充曷副人神之望睿謨素定不由  
羽翼之成臣敢不益念前脩永遵雅誥謹文王  
安否之問敢怠帥行書唐宗仁孝之詩仰祈札

賜

代謝 太上皇帝表

從五日之朝夙荷抱孫之愛拜十行之札俄膺  
立貳之求仰慈訓之曲臨懼微躬之匪稱中謝  
臣竊以大人有繼明之義蓋取諸離長子爲主  
噐之親故受之震豫建儲嗣雖本前規獲奉重  
親未如今日伏念臣幸以弱植出逢聖時列亞  
保之崇班初非功致昨真王之尊爵深愧名浮  
徒以託體嚴宸承休慈極忽頒丹詔叨處青宮  
共知睿斷之不回實本聖謨之不顯茲蓋伏遇  
尊號太上皇帝陛下德高堯舜道合羲黃雖與  
造物者游自求至樂仍有孫謀之燕以求無疆  
爰舉曠儀以安神噐臣敢不力修四學祇奉  
兩宮立愛自親仰體承祧之重聿脩厥德敢忘  
念祖之勤

代謝 皇后牋

坤德無疆實依厚載震宮肇建遽及凡材中謝  
伏念臣託質天支承華壺則干戈羽籥教雖備  
於四時父子君臣學未臻於三善忽奉褒揚之  
冊俾當監撫之權仰宸斷之剛明賴母儀之禪



助茲蓋恭遇 皇后殿下德齊任妙賢過城藝  
陰教聿修坐致人倫之正淑謀經遠更圖國本  
之安臣敢不居近正人力尋舊學祇召而不犯  
馳道當奉君尊問安而必至寢門益虔子職

### 代謝受冊表

銅門肇啓方慙主鬯之良珉冊誕頒更舉臨軒  
之禮恩隆天地懼劇淵冰中謝伏念臣素乏材  
猷積叨寵數金印盃綬蚤處於宗藩青蓋斑輪  
俄升於儲位復差良日爰御正衙備金石以盈  
庭儼纓綬而就列授之寶牒訓以綸言退省其

三十一

又勉三集卷第一四

五別卷一

一

介

私不知所稱茲蓋恭遇 皇帝陛下道高世表  
機照物先斷自宸衷豈私於愛子哉茲曠典蓋  
重於承祧臣敢不仰體聖謨恪供子職出有師  
入有保起居惟近於正人親則父尊則君夙夜  
益勤於順事

### 代宰臣賀立

#### 皇太子表

以下三首

冢嗣稱賢夙仰吾君之子儲闡定禮果安天下  
之心歡動兩宮慶均四海中賀恭以離著麗天  
之象繼明實繫於大人震有洊雷之文主器必  
歸於長子闡東朝之縟禮綿 列聖之不基曠

古難逢于今創見恭惟 皇帝陛下孝如虞舜  
樂似文王爰奉親嚴屢上玉卮之壽大寧國本  
首開銀榜之宮慶幼海之澄瀾瞻前星之騰耀  
一人獨斷非由羽翼之成三善自將克荷宗祧  
之守臣叨居近列恭覩盛儀日下重光已備夙  
成之德嵩呼萬歲敢忘歸美之誠

代賀 太上皇帝表

神謨早定俾建元儲聖孝丕承誕揚宸制事關  
宗社喜動華夷中賀恭以甲觀之生嫡皇孫但  
有命名之愛一日而見三天子止聞臨澡之歡

載在信書以爲美事曾未有傳神器而與子見  
東宮之立孫介弗祿於無疆固蘿圖而有永恭  
惟 尊號太上皇帝陛下道高百聖仁覆萬方  
翼燕孫謀獨享後天之筭儲登世嫡共仰前星  
之暉問安獲事於重親主器仍歸於長子臣欣  
逢盛際獲在邇聯卜世卜年期過周家之曆重  
輪重潤願賡漢樂之詩

代賀 皇太子牋

儲德日新爰繫於衆望睿謨獨斷爰舉於曠儀  
覆載兩間驩呼四起中賀恭惟 皇太子殿下

地居冢嫡天與竒姿震一索而得長男宜膺主  
鬯之寄漢元年而建太子益知享國之長仰  
九廟之儲休信 兩宮之增慶人心自定神器  
愈安其肅領鴈行進瞻雞戟元良既正不煩賈  
誼之言盛美難名莫盡卞蘭之述

代謝吏部侍郎表

以下四首代魏丞相祀

代言西掖方拜誤恩攝貳東銓復叨改命循墻  
莫避臨谷增危 中謝 伏念臣濩落無堪迂愚自  
信正以經營於菽水故嘗希望於斗升昨自外  
官恭趨嚴召猥厠內朝之鴈列親覩 上聖之

龍飛五歷粉闈一參月寺籌邊戎幕無婉畫之  
可稱將命虜庭幸歡盟之復締冒柱史詞臣之  
選兼宮端寶牒之司初無左右之先容盡出聖  
神之親擢忽承帝制俾倅天官一新龜紫之榮  
仍假銓衡之長莫回成渙徒激懦衷茲蓋恭遇  
皇帝陛下虛以受人明於分職憐臣孤立於宦  
路借以末光謂臣曾歷於劇曹付之重委臣敢  
不寅遵邦憲嚴制吏姦朝夕論思雖素乏嚴吾  
之譽簿書期會庶勉追裴馬之名

代謝侍講表

攝居選部已困劇曹擢在經帷更承清問退慙  
衰朽有此遭逢中謝伏念臣幼歷羈艱學無師  
法顧孤陋寡聞之習但為決科之資如疏通知  
遠之經素匪專門之業矧是帝王之大學非為  
章句之小儒必求鴻博之人以究淵源之蘊豈  
容樸學獲侍細旃茲蓋恭遇 皇帝陛下巍巍  
成功謙謙終吉特降至尊之勢兼收可錄之言  
遂容草芥之臣亦與金華之講臣敢不黽勉微  
力綴緝舊聞為二三萬言之辭敢求釋義暢五  
十八篇之旨庶補重明

代辭免進國史轉官表

約史何功敢叨醲賞騰章避寵未拜俞音荐貢  
誠衷仰干睿聽中謝竊以 三朝之治迹允為  
萬世之成規信傳信疑傳疑已備不刊之典筆  
則筆削則削屢資多學之儒而臣方貳政之未  
幾適成書之已久暫領纂修之職曾無潤色之  
勞使冒賞而不疑則叨榮之太甚而况近辭珍  
賜 陛下固已許其廉茲躡崇資公議必傳以  
為笑謂少者辭而多者則受謂今日是則前日  
為非雖故事之有初在微臣而焉敢伏望 皇

帝陛下俯矜賤悃特寢異恩益使人心知清朝  
以名器爲重誓殫愚慮効薄伎於志傳之間

代遺表

生而致主曾亮采之無聞死不忘君豈效忠之

可已危悼欲吐老淚先傾

中謝

伏念臣奮自羈

單本無僥覬蚤厠熙朝之鵷序親逢上聖之

龍飛猥以譭材屢叨隆委凡一時清切之選皆

九重特達之知兵交而使在其間備更險阻猷

告而爾順于外嘗與論思寢歷政塗遂登揆席

迄緣樸拙用速顛躋俯憐簪履之遺旋畀屏藩

三四八

文淵閣三集卷第一四

文淵閣一

二

原形

之寄人言噂沓何敢控陳天鑒高明卒蒙昭雪  
賦以真祠之祿予之祕殿之名屏迹衡門銜大  
恩而莫報馳心魏闕顧一飽以何安今則蒲柳  
益衰桑榆旣逼老將知而耄及福已過而災生  
卧疾漳濱恍精神之易散游蒐岱嶽嗟頃刻之  
難留僅存餘息之微重結明時之戀伏望皇  
帝陛下治功惟叙聖德又新總萬幾之要以冲  
毓天和合群賢之智以維持國是問安慈極日  
承尊養之歡注想中原身濟規恢之業臣命隨  
氣索志與辭殫王度清夷固毋煩於尸諫死期

迫促徒自切於哀鳴

代知泉州謝進職再任表

以下四首代舅氏江尚書大猷

承南服之流忽叨因任進西清之秩併辱東知拜寵命以增榮俯懦躬而有覲中謝伏念臣奮身寒遠遭世休明分甘州縣之塵勞敢望朝廷之拔擢十年服采寢登侍從之班千載逢辰曲被聖神之眷比雖攝六官之長猶未爲貳卿之真及遂求閑遽超次對退惟愚孱已劇優隆起試外藩以治民而自詭荐更下考無報政之可書方將重上真祠之章豈意更升學士之列一

變閩俗初無常袞之稱更與泉麾仍繼蔡襄之後已試如此其可再乎無功而遷誠爲過矣茲蓋伏遇 皇帝陛下政先實核恩不遐遺念微臣非可用之才粗堪郡寄謂長吏多數易之弊就畀璽書復增延閣之華益重專城之任臣敢不勉其未至究所當行又悉邦風旣無勞於問俗務攻吏事庶不負於分憂

代謝隆興府到任表

上印泉南方遂祠庭之請把麾江右遽叨帥閫之除猥荷東知若爲稱塞中謝伏念臣幸逢昌

運忝綴從班昨辭遠於脩門効蕃宣於遐服目  
駐堯天之日月身留閩徼之山川未及終更已  
叨因任共知魑鼠不堪五技之窮自分鷓鴣唯  
望一枝之足婁申誠悃仰扣淵聰卒蒙從欲之  
仁獲遂投閑之志千里未還於榆社十連復冒  
於綸音旋促對於清光誤親承於睿獎授之方  
略俾以奉行茲延見於吏民方究詢於風俗惟  
南昌之名郡實上聖之潛藩襟帶江湖首尾  
吳楚兩暘方若正賴春耕秋斂之勤凋瘵已蘇  
猶藉左粥右餐之惠必得循良之吏庶安流冗  
之民豈應憊愚堪此委寄茲蓋伏遇 皇帝陛  
下恢張治具駕御人材察臣久被使令旣深知  
於德意念臣備嘗險阻亦粗識於民情特畀虎  
符俾殫駑力臣敢不布宣寬大禁戢姦欺當使  
田間盡改帶刀之習且令州縣毋存珥筆之風

代賀 太上皇帝上尊號表

啓龍樓七十之慶春朝將展於上儀率鸞列三  
千之臣至朔先加於徽稱事高治古歡溢綿區  
中賀竊以薦舜于天堯帝聰明而遜位以武爲  
子文王逸樂以延年不有極尊之稱曷爲甚盛

之舉鏤白玉之牒歸美 兩宮建翠華之旗親  
朝五日書契未有宗社無疆恭惟 皇帝陛下  
道盡事親仁先自內謂富壽之福爲彝倫之所  
先而父母之年在常人而猶喜況承社稷之托  
親見春秋之高自非得九州四海之驩心備五  
帝三王之全美何以效之慈極副我淵衷爰集  
廷紳取於經而定大號更推帝澤歛時福以錫  
庶民 上皇增萬壽之昌太妣嗣徽音之懿至  
矣盡矣不可有加舞之蹈之莫知所自臣退甘  
屏處莫與駿奔奏薄伎於從官之間敢懷故步  
效三祝於封人之請徒切愚誠

代謝宮觀表

十年念咎躋地靡遑一日奉祠從天而下孤迹  
有自新之路聖朝無終棄之人恩重難名感深  
至泣中謝伏念臣猥由寒陋誤辱眷知持橐近  
班何有論思之益把麾遠郡粗殫惠養之勤鄉  
關甫遂於歸休帥閫忽叨於推擇患生意表盜  
起鄰封調戍卒於屬州授伍符於筮牧不虞宿  
將反墮姦謀方騰訟過之章乃被督師之命大  
兵雲集謂當指日而可禽醜類膺奔曾不回戈



而內向力追蹤於山谷尚假息於朝晡績旣弗  
成罪將誰執七旬未格莫寬西顧之憂三禡猶  
輕難道南遷之謫獲歸故里已佩深仁自量擯  
斥之餘宜在孰何之外敢圖鴻造憫其垂朽之  
年特渙綸言廩以祝釐之祿削刊丹籍叨竊素  
餐茲蓋伏遇 皇帝陛下治本隆寬政先總核  
動加矜軫豈爲匹夫而求全允與使令不以一  
眚而終廢俯憐庸懦曲賜涵容臣敢不擢髮省  
愆銘肌戴德散材無用深知復玷闕之難壯志  
雖衰尚得効糜捐之報

攻媿先生文集卷第十四

攻媿先生文集卷第十五

四明樓 鑰大防

表牋 別藁

代謝宮觀表 以下三首代史待制彌大

賦祿真祠俯從私請陞班次對更出鴻恩是何  
極陋之蹤得此殊常之渥中謝伏念臣志徒慕  
古才不逮人由庠校之諸生叨承延賞勉箕裘  
之餘習偶玷世科甘從州縣之勞敢覲朝廷之  
選惟睿主曲敦於舊學故微臣誤簡於淵衷自  
給札於中書寢影纓於邦府遙量僥冒祗務靖

三二五

文媿先生集卷第十五

表牋一

馬相

共固嘗持節以言歸旋即予環而就列寸長尺  
短第知自竭於愚忠年除歲遷何意遂塵於法  
從代言西掖進讀東宮皆老父之故官實儒生  
之希遇力辭禁筦改貳秩宗威儀三千茲豈養  
痾之地春秋八十不勝愛日之思奏牘朝聞俞  
音夕至廩以祝釐之粟寵之荷橐之聯毫釐莫  
報於公家頂踵悉由於聖造甫還私室已拜宸  
綸茲蓋伏遇 皇帝陛下政本用中仁惟厚下  
素矜樸拙初無進取之心重賜褒揚庸示保全  
之意父子感深而至泣里閭罔視以為榮臣敢

不增激懦衷稍休弱質循陔承志庶幾弃官歸  
養之風戀闕馳誠尚勉移孝爲忠之節

代謝 皇太子牋

儲禁簡僚久充負於中護祠庭得請仍寓職於  
西清退省至愚敢忘所自中謝伏念某稟生甚  
弱賦性尤疎一經徒守於家傳累歲寢汚於朝  
蹟獨惟老父獲際聖君乃眷潛藩曾是甘盤之  
舊遂容小子亦陪綺季之游自慚遲頓之資無  
補溫文之學丐閑得寵拜命知歸茲蓋伏遇

皇太子殿下盛德在躬勞謙禮士兩宮侍膳

三十八

天恩八卷六第十五

三別二

二

一於五

益勤計日之誠千里懷親深察望雲之念俾從  
私志實荷隆寬某敢不祗服訓詞仰承色養扶  
羸東下遽收迹於鵷行矯首西瞻尚馳心於鷄  
戟

代謝 皇太子宮講堂徹章轉官牋

儲闈進讀嘗與英游奏議終篇遂遷爵秩曾是  
優隆之渥亦霑遠外之蹤中謝伏念某學匪洽  
聞身逢盛際宸扆念甘盤之舊俾輒生獲綴於  
賓僚經帷繙陸贄之書命鶴禁亦爲之訓說備  
見經綸之用具存仁義之言戒彼覆車實爲可

鑒申其佔畢顧有何勞方茲去國以奉祠乃以  
徹章而受賞被恩有自揣已知慚茲蓋伏遇  
皇太子殿下任重承祧志勤好古傳 聖父誠  
明之學自得之心玩名臣論諫之文如對其面  
尚思記誦使遂褒陞某敢不拜手祇榮銘心戴  
德一物三善固知裨贊之無功九弊六條更冀  
講明之不怠

代賀 光堯壽聖憲天體道太上皇

帝 壽聖明慈太上皇后上尊號

表

以下六首代溫  
州曾吏部逮

熙事備成惟聖人能饗帝徽稱具舉雖天子必  
有尊驩動 兩宮化刑四海 中賀竊以太上立  
德本無事於飾名大美不言顧曷資於崇報雖  
九載已都於顯號而一人尚歉於宸衷乃因泰  
時之精裡併舉累朝之曠典恭惟 皇帝陛下  
恩被動植孝通神明登大位之崇高受 上皇  
之付託玉卮稱壽視昔有光寶冊奉親自我作  
古謂天祖羣物式昭時憲之明謂道法自然更  
著體元之正俞音誕布盛事一新萬國得驩心  
共仰仁天之大百姓加德教益知聖治之彰臣

出守偏州恭承明詔捧觴再拜頓回鳳闕之春  
稽首三呼但想龍樓之曉

賀 太上皇帝表

禮行於郊咸慶縟儀之備尊歸於父聿嚴徽稱  
之加覆載兩閒驩呼四起中賀竊以堯堯者至  
高之貌用形容於博衍優游蕩蕩乎民無能名  
獨著見於聰明文思仰堯仁之天大邁陽德之  
日新宜因百神受職之時更益大德得名之懿  
恭惟 尊號太上皇帝陛下怡神於淡遊物之  
初膺寶籙以興邦授神器而與子凡此知人安  
民之要傳諸問安侍膳之閒黃屋非心樂逍遙  
於特室紫壇歲事介福履於慈闈雖秉謙尊莫  
回忱請光之大大之謂聖已陶萬國之歡天法  
道道法自然益顯百王之冠臣叨憑熊軾莫造  
鷓行想漢殿之觴寧免滯南之歎効華封之祝  
敢忘拱北之誠

代賀 太上皇后牋

備舉盛儀誕揚懿號凡資持載罔不驩呼中賀  
竊以迎長者三王之郊既告虔於上帝有名者  
萬物之母爰歸美於慈親益增地道之光深副

天心之願恭惟 尊號太上皇后殿下德高任  
姒功邁娥嬖力贊睿謀親授 重華之帝尊同  
太極式安長樂之居受五日一朝之榮備四海  
九州之養爰因大祀載舉徽音箕疇謂視曰明  
用顯進賢之志老氏以慈爲寶於昭生物之恩  
合茲二者之稱仰止一時之盛臣分符有守戀  
闕無階莫陪椒掖之趨但劇葵心之向

代謝立 皇太子降赦表

儲禁宏開宸綸誕布法前星之瑞象仰粲重暉  
揚少海之餘波沛爲膏澤神人胥悅宗社尊安

中謝恭惟 皇帝陛下道冠皇王仁霑動植端

居南面受 光堯付託之隆豫建東宮縣有

宋延洪之福爰推恩霈下及黎氓罄萬國以屬  
心盛一人之有慶臣叨紆郡紱阻賀闕庭比屋  
歡呼咸喜元良之正微衷感勵謹宣寬大之書

代謝 御書戒百僚手詔石刻表

詔旨中頒具孚羣聽宸章申錫下及侯邦凡屬  
照臨舉知感奮 中謝竊以官刑儆有位之士成  
湯切戒於三風手書賜方國之臣光武尤嚴於  
一札聿稽前代王者之盛未如今日天語之溫

蓋九重雖備於躬行而百辟或違於德意玩歲  
愒日猶有謬悠拱默之流易慮洒心尚乏底厲  
激昂之氣仰勞翰墨下訪臣鄰一新琬琰之刊  
傳甚置郵之速茲蓋恭遇 皇帝陛下循名責  
實任賢使能形憂勤於宵旰之間十年于此示  
好惡於用捨之際四海胥然爰申播告之修更  
謹厲精之始臣叨膺郡寄肅奉訓辭祇率乃僚  
各共厥職欲令真僞毋亂敢爲欺謾之文會聞  
上下相安莫有苟且之意

代謝直祕閣表

甲子

政魏文集卷第十五

表別卷一

六

夏表

濫膺郡寄初無善狀之稱寓直奎文忽被寵光  
之渥拊躬有覲拜命增榮 中謝伏念臣學昧家  
傳才非時用猥緣遭際得效馳驅衣以繡衣雖  
謹惟良而折獄置之粉省未知何自以爲郎退  
尋於越之居俄假東嘉之守四郊菜色重丹宸  
之憂勤一介萍蹤荷玉音之臨遣首問吏民之  
疾苦備聞田里之歎愁凡所奏陳悉蒙垂應移  
鄰邦之粟不容遏糴之私蠲下邑之租又免追  
科之擾罷民粗給和氣隨生雨暘以時黍麥增  
稔闔境方歌於聖德誤恩乃及於守臣顧撫字

之徒勞媿清華之非據茲蓋伏遇 皇帝陛下  
核孝宣之名實總光武之權綱民瘼是求九重  
專城之寄璽書加勵滋多循吏之賢顧如微臣  
亦霑醲賞臣敢不仰銜鴻施俯竭駑才未讀五  
千卷之書已冒登瀛之目加撫十萬戶之衆誓  
堅報國之心

代龔參政謝 慶壽赦加恩表 茂良

慈皇介壽幸陪前殿之儀慶霈頒春首被通侯  
之寵循墻莫避躋地自驚 中謝 竊以堯年符巽  
位之期舜孝極重華之盛請富壽之祝百僚咸

三十一 政媿文集卷第一十五 表別龔參三

十一

沈松

與於駿奔下寬大之書萬國宜霑於錫賚豈緊  
邇列獨冒殊恩况骹骹之文嘗獲登於微冊以  
蹒跚之質偶進攝於上公固已不勝千載之榮  
敢意更竊九重之眷封疏故郡地衍多畝端章  
甫以立朝安識周旋之中禮分茅土而建社自  
慙談笑以封侯茲蓋伏遇 皇帝陛下義篤奉  
親仁均厚下廣宮闈之至樂用以及人錄臣子  
之微勞遂先與邑臣敢不誓殫素節仰報鴻私  
五日一朝密扈天顏之睟穆萬年億載永瞻孝  
治之光華



代仲兄謝職用別任表

受及改守久遠聖察假中何慮遠切夫聖初以  
官如拜命終大使道以之官改請遇高聖  
上之官人言行率之正攝類年足康後多  
聖之天恩改官選官擇情之吏如臣等與  
聖聖情或或間或天恩賞之餘甘老老也  
公平器入仕亦京則貧具如立山車  
人言盈於只限步議似司速職轉局之  
取適途之或了也公外府何補於公  
取意更職之聖之香去聖聖地外委命  
所以五朝安詳周於之中權分才士而  
意誠矣以封侯效蓋伏遇 皇帝陛下  
親仁均厚下屬官階之聖樂用以及  
之德勞先與臣用敢不聖  
五日一身定在天願之時移  
治之光華

代仲兄謝嚴州到任表

負丞棘寺久媿空餐假守桐廬遽叨共理初以  
還鄉而拜命終然便道以之官被寵過優撫躬  
莫稱中謝竊以子陵舊隱浙水奧區昔爲太  
上之潛藩今實行都之近輔頻年旱潦浸多凋  
瘵之民累政推遷宜擇循良之吏如臣者稟生  
甚陋懵學寡聞猥承延賞之餘甘老徒勞之役  
偶平詔獄入仕帝京財貨暴如丘山敢辭委吏  
文書盈於几閣弟謹攸司逮聯敕局之刪修纔  
脫選途之塵冗進參外府曾何補於公家移贊

司刑頗服勤於臬事銜上恩而莫報念色養之  
多違因謁告以遄歸以治民而自詭仰蒙睿眷  
徑畀左符方少遂於家居忽又承於人之蓋歎  
歲方勞於旰食謂小臣曾對於清光放嚴旨以  
趣行免內朝之臨遣望龍顏於九陛不勝戀闕  
之心侍鶴髮之雙親少展循陔之志茲蓋伏遇  
皇帝陛下天臨萬寓器使羣材培植邦基尤重  
牧人之任茂隆孝治俯推錫類之仁雖久歷於  
王官必加試以民事有如臣輩亦在選中臣敢  
不恪奉教條布宣德意中外本一致顧何有於

於嫌疑嘖有煩言自貽伊戚唯昔親民之始嘗  
陳同罪之章歷時雖多逃責無所與絜而不保  
其徃祗佩訓詞之溫取人而失之以言深犯聖  
門之戒僅行鐫削仰累保全茲蓋伏遇 皇帝  
陛下馭下惟公待臣以恕謂引其類以俱進任  
則甚專若簡乃僚而弗虔咎將誰執臣敢不日  
思創艾益謹品題應物未明當起懲羹吹虀之  
念求賢圖報敢萌因噎廢食之心

### 代謝知瓊州表

一札十行俾遠憑於熊軾四州百洞幸利涉於

三五

文魁二集卷第一三五

一

七三

鯨波首及治封具宣德意中謝伏念臣奮身踈  
逖賦性愚蒙蚤叨世賞之延屢困宦途之滯字  
民淮甸慙非製錦之工貳政衡陽有玷題輿之  
選頃分陋郡未及暮年資淺望輕易致人言之  
噂沓地偏財匱不堪歲計之支吾已甘置散之  
科安有復然之望豈圖杖拭更任蕃宣眷古珠  
崖實今瓊筦邈在萬里之外顛居一海之中漢  
晉廢置之不齊隋唐分合之靡定久服 本朝  
之聲教遂同內地之流風惟黎母錯居當謹邊  
防之慮而賈胡遙集是爲舶政之源自揆庸虛

難勝寄委茲蓋伏遇 皇帝陛下仁思濟衆德  
務包荒緬懷卉服之人遴擇竹符之守知臣嘗  
更於遠外或可承流謂臣備歷於險艱庶幾使  
過臣敢不仰銜恩紀謹布邦條幸依兩伏波之  
神母憚三合溜之險仕方行志敢爲乘桴浮海  
之言忠不忘君徒詠登樓望京之句誓殫駑力  
用荅鴻私

代賀 太上皇帝慶壽表

啓七十之慶將傳萬歲之玉卮率三千之臣先  
上 兩宮之寶冊美備形容之至光增授受之

三三八

文編十八集卷第一五

長列集卷二

十一

許文

初孝治愈隆生民未有 中賀 竊以子有天下而  
尊於父方當祝耆艾之辰德爲聖人而得其名  
詎可襲尋常之號一紀載加於縟典九重尚慊  
於淵衷茲講未央之儀爰採康衢之誦榮歸慈  
扈燕及中闈恭惟 尊號太上皇帝陛下道大  
難窮功成不有聰明遜位於昭與子之公逸樂  
延年自得縱心之適曰仁曰德無能名焉乃武  
乃文紀其盛者 尊號太上皇后殿下又參太  
極密贊重離天下濟而地上行允謂相成之道  
堯南鄉而舜北面實同稀有之期 皇帝陛下

愛篤嚴君親傳家法謂壽富之福惟彝倫之所  
先而父母之年在常人而猶喜况承社稷之託  
獲見春秋之高不有極尊之稱曷爲甚盛之慶  
優游博衍雖問之朝野而不知揚厲鋪張要編  
之詩書而無媿禮文照古雲物効祥歡均軒陛  
之間化浹華夷之外臣與瞻鸞輅入覲龍樓嵩  
嶽傳呼誠四海九州之至樂赭袍端拜願十年  
一慶於脩齡

代新進士謝賜花表

柳染青袍叨與太官之燕花裁絳綵更分禁籞  
之春敢望微生遽承華寵中謝伏念臣等性根  
浮弱學植荒疎吐天葩之竒篇初無詞采啓瓊  
林之茂典咸戴恩榮謝槐市之舊遊尋杏園之  
故事茲蓋伏遇 皇帝陛下仁霑行葦材育菁  
莪萬國春陽顧豈遺於寒谷九天雨露遂均及  
於群英臣等敢不種學績文去華務實芝蘭馥  
烈但堅自潔之心桃李芬芳共樂不言之化

代趙侍郎遺表

粹中

負罪屏居方還舊物卧痾垂絕將謝明時顧屬  
續以甚危猶戀軒而不忍孤忠未泯衰涕徒傾

中謝伏念臣起自諸生粗傳末學弟兄射策偶  
登俊造之科州縣服勞安有功名之望眷聖主  
欲收於羣策謂故家或有於遺才嘗因輪對之  
初誤辱袞袞之寵神會氣合不自知遇主之因  
年除歲遷俄寢上從臣之列二史屢書於言動  
三銓深柅於姦欺承攝瑣闥亦知効古人批勅  
之節建明廟議欲以奉 列聖在天之靈雖自  
詭以治民詎敢忘於報國迨池陽之奏課就茗  
水以交符投檄得閑歸處四明之舊隱騰章褫  
職誦言一卒之幽寃固知不辯而自明卒荷容  
光之必照矜其久困賜以更生通禁路之班許  
尋故步繼廩人之粟俾盡餘年未酬肉骨之恩  
俄屬負薪之疾水浮膚而成痼藥苦口而弗靈  
殘息僅存大期已迫愧論思之無補尚攀戀而  
有言伏望 皇帝陛下寅奉慈闈益隆寶祚以  
寬仁壽天下之脉以清靜養聖躬之和尊 藝  
祖肇造之功早正東向之位念神州沉淪之久  
無忘北伐之圖臣易箒何爲蓋棺遂已生無可  
戀敢言滯太史於周南死或有知尚可亢杜回  
於輔氏

代陳閣學遺表 居仁

承命造朝旋抱負薪之疾奉祠還舍遽興易箚  
之言忍死有陳報恩無所戀明時而何及灑衰  
涕以空悲 中謝伏念臣生也亡竒幼而孤立自  
世賞而策進士奉大對於 高皇之廷繇冗僚  
而登王官受異知於 孝宗之聖晉游學省出  
試州麾收寘郎曹殆遍更於宰掾擢居柱史遂  
徑躡於詞垣陟彼屺以纏哀予之琴而終制誤  
蒙慈宸屢畀左符際 真主之題期升大邦而  
分閫每經煩使實堅徇國之心縱有微勞皆是  
守藩之職敢意凝旒之眷忽叨召節之放雲氣  
在前不許三山之到君門甚邇翻成萬里之遙  
撫薄命以自傷懷孤忠而莫吐卒困陰陽之寇  
竟違咫尺之顏荐貢枕誠僭干淵聽念甘泉從  
臣之已老況正元朝士之無多祝釐之請則郤  
而後從寓直之寵則辭而不獲仰戴天地生成  
之造得爲山林休養之謀然而精爽欲離形容  
盡變抵家而迹未定過信而病益增身方卧於  
漳濱竟已遊於岱嶽龍光架厚愧未補於秋毫  
駒隙易馳將溘先於朝露少留殘景冒進危衷

恭願 皇帝陛下寅紹皇圖聿新孝治躬憂勤  
以致中興之業進英俊以鞏太平之基內脩外  
攘坐復 祖宗之舊東漸西被聿觀聲教之行  
臣假息幾何蓋棺遂已塵勞五紀悵莫賦於歸  
田寘漠九原顧敢忘於結草

攻媿先生文集卷第十五



攻媿先生文集卷第十六

四明樓 鑰大防

狀劄

辭免除起居郎狀

紹熙三年四月

右某准尚書省劄子奉 聖旨除起居郎者有命自天措躬無地竊以柱下之史密侍於清光螭頭之班尤先於左陛必得俊髦之士以居記注之司如某者學不知方才非適用自登仕路屢點朝行但期平進之安敢啓超遷之望忽叨親擢實出誤恩已深據蒺之憂更重積薪之媿自知若此公論謂何伏望朝廷特賜敷奏收還成渙改畀真才俾退即於卿聯庶少安於愚分所有恩命某未敢祇受

辭免兼權中書舍人狀

右某准尚書省劄子奉 聖旨兼權中書舍人者自揣僥逾彌增震惕伏念某技能至薄見謂頓遲學術素疎且多廢忘躡遷左陛曾閱日之未深密侍清光懼記言之非稱矧是續綸之要寔參造命之嚴非智略該通不足以裨贊國論非辭章典麗不足以潤色王猷可使凡才而與

華選暫承人之雖弗許於控辭退睥時髦顧豈容於冒進欲望朝廷特賜敷奏曲回宸命更選詞臣俾專柱下之官庶愜廷中之議

辭免除中書舍人狀

右臣准尚書省劄子奉 聖旨除中書舍人者有命自中撫躬失措竊以仕朝廷者以三字爲要知制誥者以一日爲榮前代選才必試言而後授近時攝事多滿歲以爲真察之加詳過於明試臣自頃承乏最爲罔功詞華不足以彰播告之修論議不足以效論思之益久虞幽黜敢愚分

辭免兼實錄院同修撰狀

右臣准尚書省劄子奉 聖旨差兼實錄院同修撰者疊拜寵光伏增震懼竊惟 高皇帝中興之烈信遠邁於前王必如太史公實錄之書乃可傳於後世當求直筆仰贊宏摹如臣蠢愚遭世明盛自慙薄宦幸三入於脩門雖點從班未一登於東觀爲真詞掖方忝誤恩共二史官

敢汗清選欲望 皇帝陛下俯垂睿照改畀時  
髦使專掌於王言庶或逃於公論

辭免兼直學士院狀

右臣准尚書省劄子奉 聖旨兼直學士院者  
忽拜恩光俯增震灼竊惟翰苑之職儒者至榮  
雖曰兼官亦當遴選如臣之陋與世多違蚤玷  
世科粗嘗爲場屋之技久從吏役豈能工制誥  
之文獨蒙睿主之深知獲備詞臣之下列叨居  
西掖已懼空餐攝直北扉尤驚誤寵矧清趣尚  
稽於問寢顧禁林何急於充員伏望 皇帝陛  
下洞鑒愚衷亟收成渙詔書日簡方當視草之  
得人英俊駢羅安用積薪之居上

辭免除給事中狀

右臣准尚書省劄子奉 聖旨除臣給事中依  
舊兼直學士院者惕聞寵命莫措微躬竊以掌  
制紫垣久慚無補進官青瑣尤懼非宜蓋機要  
之愈嚴繫出納之攸繫自非學足以與聞國論  
智足以深照事機或非其人必害於政臣退量  
至陋采恐不堪昔惟潤色之司猶虞踈闕茲任  
塗歸之職是速顛隳矧當書詔填委之時仍兼

詞翰清切之地聖恩誠厚愚分難安自知斷斷以無他衆必斷斷而不可伏望 皇帝陛下收還成渙俯鑒忱衷別擇時髦俾當夕拜庶幾得批勅之手不至累知人之明

辭免除權吏部尚書狀

右臣准尚書省劄子奉 聖旨除權吏部尚書兼職依舊者寵光下逮惕懼靡遑竊以選部攸司是曰六官之長文昌攝事亦叨八座之稱縱難求傑異之才猶當取踐敷之舊臣一登仕路三入脩門年除歲遷寢踰於始望寢驚夢愕屢

蹈於危機惟茲瑣闈幾更月琯遇事輒發徒自積於怨仇忤旨爲多方日虞於何譴敢期瘖獎亟賜褒遷徑由夕拜之聯擢試天官之職兼汗青於東觀仍視草於北門揣愚分以何堪恐公言之不貸伏望 皇帝陛下收還成渙改畀真賢俾退服於舊班庶漸伸於歸志

辭免陞兼實錄院修撰狀

右臣准尚書省劄子奉 聖旨陞兼實錄院修撰者疊被恩榮采增戰灼竊以 思陵在位著三紀之治功儒館修書垂百王之憲則宜求良

史以贊宏摹臣才不逮中職多共二北門視草  
顧五技之已窮東觀濫巾曾一辭之未措矧乍  
躡選曹之長方將謝史筆之兼敢謂寵光進升  
論譔銓曹至冗尚憂綿力之弗勝髦俊滿前安  
用庸才之備數仰祈睿鑒遴擇實能庶大典之  
速成免公朝之虛授

辭免兼侍讀狀

右臣准尚書省劄子奉 聖旨兼侍讀朝拜宸  
綸暮叨恩命退量謏薄采切驚惶竊以帝幄執  
經之臣尤高露門進讀之選自非耆儒博碩古  
學精深雖得侍清燕之間何以贊緝熙之盛如  
臣至陋冒寵已多推遷才闕於七年超躡寢登  
於八座已不堪於共二尚敢望於至三昨爲載  
筆之官猶慙於記注今進邇英之列安有於發  
明當觀術業以旁求豈以班聯而序進仰祈睿  
鑒俯照愚衷儀圖名世之賢增光稽古之治庶  
容一介專意三銓

乞補外劄子

臣輒傾丹烟上瀆天聽伏念臣庸陋無堪敢萌  
榮望比自三汗朝蹟六閱歲華 太上擢之冗

散之中俾居詞掖 陛下賜以便蕃之寵遂長  
銓曹侍帝幄之深嚴極儒生之榮遇汔無毫末  
仰贊高明況今福過災生量盈器溢近遭介弟  
之戚復有冢婦之喪重貽親憂尤不遑處重念  
臣有老母年八十有六氣血寢衰喜懼交切久  
去鄉國日夕念歸伏望聖慈俯矜孤迹畀臣祠  
祿使息疲勞或得州郡差遣許其效力于外庶  
幾不妨賢路少逭身災干冒天威臣下情無任  
皇懼俟命之至

辭免除職與郡狀

慶元元年五月

文獻通考卷一百一十六

狀

六

曹興祖

右某准尚書省劄子奉 聖旨除職與郡聞命  
去初揣躬知懼伏念某久汙近綴無補明時自  
憐小器之易盈況復私門之多故輒傾危悃仰  
叩宸聰果蒙從欲之仁俯遂問歸之志已爲厚  
幸敢冒殊榮乃叨寓職之恩仍畀典州之寄實  
踰始望爰瀝忱辭欲望朝廷特賜敷奏俾遂真  
祠之請庶安故里之居

辭免除顯謨閣直學士知婺州狀

右臣准尚書省劄子奉 聖旨除顯謨閣直學  
士知婺州恭拜絲綸若臨淵谷竊以東陽望郡

當選循良延閣顯名以優耆德豈容一介之賤  
併叨二者之榮伏念臣三入脩門十更除目經  
帷史觀實爲儒學之華翰苑銓曹寢躡從班之  
長屬以私門多故老母念歸力陳甸外之章幸  
動蓋高之聽本欲少休於疲曳敢期疊受於寵  
光伏望 皇帝陛下俯鑒忱衷特回成命廩以  
祝釐之祿從其學稼之心庶使微臣得安愚分

乞宮觀第一狀

臣輒瀝危衷仰干宸扆伏念臣比以便親求外  
自詭治民伏蒙聖恩俯從所請文謨寓直寶婺

分符一旦得之實踰分量臣因得過家上冢少  
遂私心誓當勉竭疲駑圖報君父已擇行日即  
戒征途偶緣臣母以犯暑來歸感疾頗重始則  
冒風作熱以臟腑下利年已八十有六平時雖  
幸康強而氣血旣衰不堪觸動今旣伏枕旬日  
其勢未有向安之期訪醫治藥曾無退僮舉家  
惶擾朝不謀夕自知稽留官期合取違慢之罪  
又准柒月貳日指揮以臣寮奏請將應未申到  
任帥守監司排日催促疾速起發仰惟 陛下  
以千里重寄付之微臣在臣豈不願即祇郡事

上寬顧憂情迫意切不免有言偃然方命迹幾似之儻不投誠 陛下竊恐難逃譴責震恐憂懼無以自容臣與老母相與爲命既未容扶持上道又不可單騎先行若更遷延月日深恐輔郡久無正官或致闕誤重臣之罪無以自逭欲望聖慈察臣由中之言出於懇切特賜宮觀差遣一次使得少遂其私庶幾母子或可保全盡出天地父母之恩糜捐頂踵不足以報冒犯天威臣下情無任皇懼俟命之至

### 第二狀

臣比蒙聖恩除臣顯謨閣直學士知婺州臣暫還鄉曲即欲之官臣母年八十有六忽以冒暑感疾瘡痢交攻屢瀕危殆不免控告君父乞奉祠侍養得旨不允此猶是朝廷故事又有量展赴官日限旨揮明詔之頒詞旨溫厚俯矜危惻洞照真情登拜三讀闔門感涕臣仰銜隆天厚地之恩不敢隨即再請今詔下幾旬局脊不皇臣母雖幸向安年高易於感動其勢非更寬以月日安得頓復舊觀黽勉上道深慮顛隕母子相與爲命又不可單騎先往深恐稽留君命使



嫠女又曠守臣之職臣則有罪不免復申誠禱  
欲望睿慈察臣之請出不獲已差臣在外宮觀  
一次使得杜門專意醫藥不惟保全母子之至  
恩亦足仰助孝治之萬一千冒天威臣下情無  
任惶懼俟命之至

第三狀

臣比以母病陳乞宮觀伏准尚書省劄子奉  
聖旨不允依已降指揮前去之任拜命三次周  
章局脊無所措躬伏念臣蠢愚不肖誤蒙 陛  
下拔擢便親求外過家上冢悉荷矜從誠願勉  
竭少圖報效而况臣所得州素為浙東佳郡財  
計粗優歲事登熟去鄉不遠使臣得奉親之官  
宣布德意豈非臣之至願實緣臣母一病五十  
餘日雖曾少閒而年高易於感動近嘗夜作嘔  
逆次日心脾疼楚幾於委頓闔門無以自存驚  
惴度日此去舟行三日至越遵陸七程始到嫠  
州見今尚須扶掖方能起坐委難支吾若迫於  
威命勉強登途脫有不虞萬死莫贖昔陳寔為  
太丘長吏有詐稱母病求假事覺收之以為欺  
君不忠病母不孝不忠不孝其罪莫大臣雖不

孝安敢爲此不免復冒斧鉞之誅三以情實披  
訴于君父之前欲望聖慈特賜矜察除臣在外  
宮觀一次使臣得以杜門專意醫藥之奉保全  
老母之餘生臣無任祈天望聖惶懼懇禱之至  
辭免再差知婺州狀

右臣准尚書省劄子奉 聖旨差知婺州自天  
有命無地措躬伏念臣比剖左符暫歸故里屬  
親闈之感疾叩宸陛以陳情荷溫詔之一頒控  
忱辭而三請因殊庭香火之奉得專心醫禱之  
營仰戴恩私寢成藥喜忽蒙東記再畀藩宣不

移東婺之輔邦俾遂南陔之孝養固當仰體趣  
行之旨勉圖共理之良惟母壽益高幾近九齡  
之耄雖官程甚邇尚踰數驛之遙儻扶持以亟  
驅恐疲勞之未免况臣世系本出部封至今三  
邑同姓之人不減四明聚族之衆閒於宦路或  
講宗盟親踈之閒悔吝斯起憂患不堪於累歲  
聰明尤減於前時敢以妄庸冒此煩劇欲望  
皇帝陛下收還成渙別選長才庶安衡泌之居  
以盡晨昏之職

辭免復職狀

右臣准尚書省劄子奉 聖旨復元職名依舊  
宮觀臣逃聞成命深震危衷伏念臣生遇昌期  
仕叨從列頃以便私而請外旋因奉母以求閒  
處此系年安如一日閉門自屏尚遭白簡之彈  
脊地靡遑敢冀青氈之舊忽放綸於北闕復寓  
職於西清拜寵若驚祝釐如故不圖簡記遠及  
微蹤揣愚分以非宜恐人言之可畏伏望 皇  
帝陛下俯矜賤悃亟寢誤恩庶安敝里之居免  
玷甘泉之列

### 辭免與郡狀

右臣准尚書省劄子奉

聖旨與郡臣恭聞明

命莫措微躬伏念臣少習一經本因覓舉仕踰  
三紀非敢爲高論思無補於清朝更迭遂求於  
輔郡爲親而歸故里九易歲華復職而畀外祠  
一由上賜與郡有旨闔門皆驚久伏丘樊豈不  
願承於任使儻無疾病猶當出效於驅馳茲貢  
需章實有危悃母以九十四之耄日抱沈痾臣  
以六十七之年又嬰宿疾顧二人相與爲命無  
一日不曾用醫湯藥扶持苟延暮景里閭勞苦  
具見真情心志已凋預切不虞之懼頭顱如許

寧堪共理之良伏望聖慈俯憐舊物許令終養以全烏鳥之私仍俾祝釐少安麋鹿之性

開禧二年乞致仕狀 十二月

右臣么微之迹遭際聖時叨綴從班曾無補報憂患餘生自貽嚴譴杜門省愆衰瘁日甚重念臣生於紹興七年今年及七十揆之禮經實當告老伏望眷慈許臣致仕干冒天威臣下情無任祈天請命激切屏營之至

第二狀

右臣昨具奏乞致仕奉 聖旨不允者引年有

文魁文集卷第一六

卷一

二

五

請願畢餘生賜旨未俞敢伸再瀆仰動益高之聽冀垂從欲之仁竊以致為臣者實累載之素心不得謝者乃清朝之異數苟非宿望厥有彝章如臣者少既無竒今將安用不堪荷橐賦彭澤之歸來但切杜門類介推之皆隱子欲養而親已矣老將知而耄及之而况拜不能興扶而後起退量病體何必待年揆以禮經適當納祿弗容自默非敢為高伏望聖慈俯矜愚悃俾安畎畝遂終齒於幸民許挂衣冠庶獲全於晚節

辭免復職狀

右臣准尚書省劄子奉 聖旨與復元職臣忽聞牽復倍切驚惶伏念臣久遂退閒晚更憂患不知自謹宜得大何曲荷隆寬止從薄責既坐糜於祠祿復進冒於侯封增衍圭腴方申謝牘敢圖眷眷尚及孤蹤未容掛神武之冠仍爲洗丹書之籍寵還故職以賁餘生感上意之至優恐輿言之弗貸欲望 皇帝陛下鑒由中之憫憫垂盡之年追寢誤恩少安愚分

辭免除龍圖閣直學士致仕狀

開禧三年四月

右臣准尚書省劄子奉 聖旨除龍圖閣直學

三十一日

文苑三卷下卷一

七

一

三十一

士依所乞致仕者聞命自天措躬無地竊以引年載請方拜俞音進律過優幾成誤寵重念臣仕參法從歸即隱居多病蚤衰久有掛衣冠之志爲貧急祿尚存戀棧豆之私不因及七十之期安敢爲再三之瀆幸茲得謝何望叨榮矧惟漢閣之班莫重河圖之直當以處赴功之彥豈應畀納祿之人伏望聖慈收還渙渥念臣素知止足俾臣粗保始終惟舊貫之是仍庶餘生之無媿臣除已遵奉 聖旨致仕外所有龍圖閣直學士恩命臣未敢祗受

辭免召赴行在狀

開禧三年十一月

右某准尚書省劄子奉 聖旨召赴行在某聞命震驚罔知所措伏念某本無可用老而益衰既已引年方茲待盡忽蒙頒命不知所爲况号召之一新以人才而爲急有如某者將焉用之翰忠竭誠則已忘舊學陳力就列則又爲廢人伏望朝廷特賜敷奏非敢飾辭以控免悉自衷誠而吐陳冀別用於真賢庶少安於愚分

再辭免召命狀

右臣准尚書省劄子樓某召赴行在即具奏辭免恩命奉 聖旨不允令所在州軍以禮津遣疾速赴行在又蒙賜臣詔書一道召命鼎來亟伸控免詔音俯及未賜允俞敢陳再瀆之私上動九重之聽伏念臣投閒已久告老方新憂患薰心積有負薪之疾權豪側目尤深據蒺之危不賴至仁豈存孤迹忽聞 上聖雷霆之斷復見中天日月之明四方相賀以同聲萬物亦爲之吐氣雖曰杜門而待盡寧當俟駕而後行實以蒲柳蚤凋桑榆莫迫病纏雙足時歷半年弱質既衰曾鍼砭之弗及餘災未殄致鑿檜之無

功已分終窮豈萌它望仰蒙簡記首與旁招已  
掛衣冠敢效從班之專達肆頒綸綍更加禮遣  
之優恩荐瀝丹心仰干洪造伏望 皇帝陛下  
恕其方命察此由衷略反汗之小嫌遂乞骸之  
素志或寬歲月俾息田廬儻拜起之粗堪豈奔  
趨之敢後

辭免落致仕除翰林學士狀

右臣近具奏再辭免召命未准回降閒又准尚  
書省劄子奉 聖旨樓某落致仕除翰林學士  
日下前來供職臣控辭未允聞命尤驚伏念臣

性資顓蒙學殖荒淺仰逢休運屢黜周行本無  
藻繪之工每叨文字之選知南宮之名表有媿  
錦窠代西掖之王言久塵薇省攝承翰苑親與  
禪書兼內外播告之修當書詔填委之際疚心  
自勉血指知慚伏自一去闕庭已周歲紀飽更  
憂患嗟視蔭之幾何絕望功名幸引年之得遂  
矧嬰沈痼期保餘齡逮茲更化之初狎奉趨歸  
之旨循墻固請出綍又新彈虎門已掛之冠殊  
乖素志正齷禁久虛之席尤懼非才伏望 皇  
帝陛下俯察忱衷別求髦俊俾司是職大放厥

辭庶德音昭示於萬方雖武夫亦爲之三歎獲  
苟安於故里免有玷於隆知

再辭免狀

右臣蒙恩落致仕除翰林學士繼具奏辭免伏  
准詔書不允屢辭召節已干方命之誅疊遜詔  
綸又冒執愚之懼自量其分不已于言竊以起  
廢江湖豈非臣子之大願充負翰墨尤號儒生  
之至榮而臣昔者攝空實由西省今焉被命乃  
自外方身已納祿而復齒垂紳之間仰上恩之  
特異年過縱心而使當視草之職真近比之所  
無臣自知其弗堪人必以爲不可進退之際局  
脊靡遑欲望 皇帝陛下念及衰殘許其引避  
或不容於固請姑別處於閒曹雖懷知止之慙  
猶有可勉之理

謝宣召入院狀

右臣伏蒙聖慈除臣翰林學士仍依故事本院  
待詔李舜臣至臣所居宣入院充學士者遠頒  
除命賁臨東海之濱甫覲威顏徑上北扉之直  
重勤主眷申遣王人荷新渥以無堪撫舊游而  
自失伏念臣學徒泥古仕本代耕素甘州縣之



勞敢冀朝廷之選而乃屢參鵷序寢上螭坳紫  
微久典於訓辭青瑣進司於封駁天官掌選兼  
侍金華之嚴史觀綴文久攝玉堂之邃投閒置  
散已分終焉告老休官遂將已矣寧知末路復  
被優恩不容卧家趣使赴闕對邇英之閣曲軫  
淵衷登摛文之堂殆成陳迹自歎形容之盡變  
况聞榱棟之游更已試用功既衰焉用茲益伏  
遇 皇帝陛下才無終棄仁不遐遺解琴瑟以  
更張聿脩治具出絲綸而彌大下取故臣欽佩  
隆知頗驚群聽臣敢不勉尋末學增葺寡聞疆  
爲翫散之詞少荅便蕃之寵

辭免除吏部尚書兼翰林學士兼侍  
讀狀

右臣准尚書省劄子奉 聖旨除吏部尚書兼  
翰林學士兼侍讀疊拜恩光深震恐伏念臣  
頃者攝承文部兼直禁林進讀露門無匪高華  
之選退耕絲上不堪憂患之罹冀垂車以示子  
孫辱賜骸而歸田里敢圖出綍復使彈冠况在  
七旬之餘悉紆三組之重不惟共二俱俾爲真  
有如朽鈍之蹤曷稱便蕃之寵欲望 皇帝陛

下別圖衆俊無備一夫念齒髮之蚤衰祭精神之不及姑仍舊貫尚竭庸材

再辭免狀

右臣蒙恩除吏部尚書兼翰林學士兼侍讀繼具奏辭免伏准詔書不允詞禁再登甫祗官次恩光三錫益震愚衷貢遜牘以未俞望宸居而力請伏念臣才本無用病因易衰休官方幸於杜門承詔忽驚於赴闕尋鑿坡之舊已懼不堪居從橐之先尤爲非據况二選並稱於劇部而九重密侍於邇英仍兼視草之司深切負芒之懼欲望 皇帝陛下俯矜誠悃曲軫頽齡旣知斷斷以無他安得多多而益辦許容避寵庶免妨賢

辭免兼修國史實錄院修撰狀

右臣准尚書省劄子奉 聖旨兼修國史兼實錄院修撰臣甫入脩門屢膺寵渥周章亟拜局脊靡寧伏念臣頃造從班嘗共衆職旣典銓於選部仍視草於禁林茲皆遂於爲真又已參於進讀更頒恩旨俾預史官比緣疊組之煩疲於奔命乃若汗青之重無所措辭至今媿之况復

老矣三者已難於勝任一身安得以貪榮欲望  
皇帝陛下憫其已過於七旬察其難兼於數器  
以國典爲甚鉅擇英才而別求庶使微蹤粗殫  
駑力

乞賜莫叔光謚及錄用鄭鏐之後劄

子同倪思

臣等竊惟爲寮潛邸者儒生之榮遇施以舊學  
者人君之盛德仰惟陛下聰明天縱聖敬日  
躋而終始典學習與性成崇儒重道增光家法  
凡臣子之執經於初潛輔導於朱邸者寵數特

天規二卷六未考一六

卷一

一九

徐世

異仰見聖明不遺故舊之至仁其有身爲侍從  
而不及覩龍飛之盛終於庶寮而不得霑霑澤  
之餘者有二人焉竊見故吏部侍郎莫叔光性  
行端良問學該洽立朝正色有仁者之勇始以  
祕書郎兼平陽郡主府教授後以著作佐郎  
兼嘉王府贊讀在陛下左右四年嘗賜以  
恬靜二字後雖免兼而朔望必見愛眷優渥

陛下閱其蚤世賜以金繒而贈典之外未嘗加  
以異恩易名定謚故屯田員外郎鄭鏐素明經  
術通貫古今教導諸生著錄甚衆任祕書郎日

先帝時在東宮 陛下爲英國公 孝宗擢兼  
小學教授荆置一頁與知樞密院何澹輪日入  
侍首尾再暮嘗進勸戒元龜一書尤蒙褒美御  
書無逸一篇及學問清修歲寒等字以賜之鍰  
之身後尤爲衰替無家可歸一子遠宦奉九十  
之母無以爲養一子累舉未第無有爲二人言  
者臣思臣某實與同朝而鍰又臣某之師也臣  
等幸日侍經幄敢以奏聞伏望聖慈特加矜念  
使恩逮泉壤澤及遺孤簪履不遺民德歸厚實  
有補於聖治

乞加贈彭龜年及錄用其後劄子

臣聞太宗征遼追思魏證明皇幸蜀乃祭九齡  
蓋忠臣之言當時或不見用事有其驗雖悔奚  
追此明主之所宜加察也 陛下即位之初一  
時舊學多在外服惟彭龜年自起居舍人擢中  
書舍人遷吏部侍郎臣同在後省見其無日不  
蒙召見恩至渥也韓侂胄方有弄權之漸龜年  
知其必爲後患上䟽力言遂以待制知江陵府  
而侂胄留爲內祠是時臣爲給事中林大中爲  
中書舍人同銜繳奏乞留龜年旣不可得再奏

龜年義必不留言又不從三人相繼去國侂冑因之愈肆以致禍敗今十餘年矣去歲仲冬之三日甫誅姦臣而大中與臣明日即蒙收召起於既老獨龜年蚤歿不及見更化之盛實可憐憫臣嘗從其家得諫草敢繕寫進呈伏望睿覽則知龜年先見之明獻言之力或加贈恤或錄用其後仍以奏檢宣付史館上以廣聖君念舊之心下以激忠臣敢言之氣實爲幸甚

御筆彭龜年係朕潛藩舊學當權臣用事之始首能抗疏折其姦謀褒卹之典理宜優異雖已追贈未稱朕懷可特加贈龍圖閣學士其子彭欽與寺監簿差遣

嘉定元年乞歸田里劄子七月

臣輒傾誠悃仰干天聽伏念臣孤危之蹤自慶元改元補外因遂投閑十有三年而尚遭排摠不已屢欲陳乞致仕以年既未及恐涉矯激繼遭內難即吉之日甫及七十引經至再始遂掛冠臣自去國即爲終焉之計人所共知去冬仰蒙聖恩更化之始首賜收召是時非敢俟駕而行實以方苦足疾控辭不獲除目下及於里門

郡守又從而津遣扶病赴闕再瞻清光游蒙親  
擢加以兼職又且俾典貢舉非不願勉竭衰悴  
少伸報效重念臣年已七十有二精力益耗銓  
曹有簿書之煩翰苑有文字之冗經筵史館皆  
非所堪近以中暑招醫不敢謁告步趨拜跪強  
勉不前不求退休必至顛踣久妨賢路且玷明  
時伏望聖慈俯矜孤迹再許納祿歸老田間實  
戴天地之恩敢忘君父之賜

攻媿先生文集卷第十六





